

Is animeddas o su mortu mortu



Sa tradizioni sarda de “is animeddas” o de “su mortu mortu” tenit arraixinis comunas cun sa festa de Halloween, mancai si festeggessit su 2 de su mesi de Donniasantus. Custa festa est nomenada “is animeddas” in sa Sardìnia meridionali e “su mortu mortu” in su nuoresu. Si puru su nòmini est differenti, sa tradizioni est sa pròpria.

In su Campidanu is pipius, bistius de pantàsimas andanta a domandai, me in is domus, calincunu arregallu po “is animeddas”. Cumentì a arregallu arriciant is drucis fatus in domu: pabassinas, su pani de saba, e s’ossu de mortu (unu druci fatu

pròpriu po custa festa). Is famìlias prus pòboras donanta atras cosas prus sèmplicis, cumentì s'arenada, sa castàngia e sa fruta siccada.

In su nuoresu ddoi fiat sa tradizioni de “su mortu mortu”. Is pipius sonanta is campanellus de is domus narendi: “Seu su mortu mortu!”. Sa genti ddus arregallada castangias, drucixeddus de mebi, pabassa e calincunu soddixeddu.

In atrus logus se s'isola, specialmenti in su Sarrabus Gerrei beniant donadas a is pipius formixeddas de pani chi pariant coroneddas.

Un'atra cosa chi assimbillat a Halloween est su traballu de is zuccas chi beniant traballadas po formai faccixeddas lègias po fai a timmi sa genti e po fai brullas. Ddas tzerrianta *Sa conca de mortu* e fadiant parti de sa tradizioni de *Is fraccheras* in sa bidda de Gadoni. Po ndi sciri mellus bandai a che custu giassu:

<http://www.contusu.it/leggende-e-tradizioni/788>